



UNDANG-UNDANG MALAYSIA

VERSI ATAS TALIAN TEKS
CETAKAN SEMULA YANG KEMAS KINI

Akta 416

AKTA TOL (JALAN RAYA DAN JAMBATAN) 1965

Sebagaimana pada 1 Mac 2013

Teks ini HANYA TERJEMAHAN oleh Jabatan Peguam Negara, bagi Tolls (Roads and Bridges) Act 1965. Melainkan jika dan sehingga ditetapkan sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

AKTA TOL (JALAN RAYA DAN JAMBATAN) 1965

Pertama kali diperbuat	1965 (Akta No. 11 tahun 1966)
Disemak	1989 (Akta 416 m.b.p 28 Disember 1989)

UNDANG-UNDANG MALAYSIA**Akta 416****AKTA TOL (JALAN RAYA DAN JAMBATAN) 1965**

SUSUNAN SEKSYEN

Seksyen

1. Tajuk ringkas dan pemakaian
2. Pengenaan tol
3. Sekatan boleh didirikan
4. Penalti bagi pelanggaran mana-mana perintah
5. Pengecualian

UNDANG-UNDANG MALAYSIA

Akta 416

AKTA TOL (JALAN RAYA DAN JAMBATAN) 1965

Suatu Akta untuk membuat peruntukan bagi pembayaran tol bagi penggunaan jalan raya dan jambatan tertentu.

[1 Februari 1966]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas dan pemakaian

1. (1) Akta ini bolehlah dinamakan Akta Tol (Jalan Raya dan Jambatan) 1965.

(2) Akta ini hendaklah terpakai hanya bagi Negeri Semenanjung Malaysia sahaja.

Pengenaan tol

2. (1) Adalah sah di sisi undang-undang bagi Menteri yang dipertanggungjawabkan dengan tanggungjawab bagi kerja raya dengan persetujuan Perbendaharaan, dari semasa ke semasa melalui perintah mengenakan tol untuk dibayar bagi kenderaan yang menggunakan mana-mana jalan raya atau mana-mana bahagiannya atau mana-mana jambatan sebagaimana yang ditetapkan dalam perintah itu.

Dalam seksyen ini, ungkapan “jalan raya” dan “jambatan” masing-masing ertinya jalan raya persekutuan dan jambatan

persekutuan.

(2) Apa-apa perintah yang dibuat di bawah subseksyen (1) hendaklah menetapkan—

- (a) kenderaan atau mana-mana kelas kenderaan yang berkenaan dengannya tol kena dibayar;
- (b) amaun tol itu;
- (c) tempat di mana tol itu akan dipungut; dan
- (d) orang yang kepadanya tol itu kena dibayar.

Sekatan boleh didirikan

3. Menteri boleh menyebabkan suatu sekatan didirikan melintang jalan raya pada mana-mana tempat di mana tol akan dibayar dan sekatan itu boleh ditutup kepada mana-mana kenderaan sehingga tol yang kena dibayar berkenaan dengan kenderaan itu telah dibayar.

Penalti bagi pelanggaran mana-mana perintah

4. Pemandu mana-mana kenderaan yang melanggar mana-mana perintah yang dibuat di bawah seksyen 2 melakukan suatu kesalahan dan apabila disabitkan boleh dikenakan denda yang tidak melebihi lima puluh ringgit.

Pengecualian

5. Menteri boleh melalui perintah mengecualikan mana-mana kenderaan daripada bayaran tol.

UNDANG-UNDANG MALAYSIA**Akta 416****AKTA TOL (JALAN RAYA DAN JAMBATAN) 1965****SENARAI PINDAAN**

Undang-Undang meminda	Tajuk ringkas	Berkuat kuasa dari
Akta 160	Akta Mata Wang Malaysia (Ringgit) 1975	29-08-1975
Akta A996	Akta Tafsiran (Pindaan) 1997	24-07-1997

UNDANG-UNDANG MALAYSIA**Akta 416****AKTA TOL (JALAN RAYA DAN JAMBATAN) 1965****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
1	Akta A996	24-07-1997
4	Akta 160	29-08-1975
